

ՄՇԱԿՈՒԹԱՔԱՆՈՒԹՅՈՒՆ

ԱՎԱՆՂԱԿԱՆ ՕՐՈՐԸ ՄԻՀՐԱՆ ԹՈՒՄԱՃԱՆԻ ԳՐԱՌՈՒՄՆԵՐՈՒՄ*

Անի Հակոբյան

Բանալի բառեր^{*} Միհրան Թումաճան, օրոր, ավանդական, ազգագրական գոտի, ձայնակարգ, կառուցվածք:

Խմբավար, կոմպոզիտոր, երաժշտագետ, հրապարակախոս-լուսավորիչ Միհրան Թումաճանի գործունեության ոլորտներից թերևս պատմական առումով ամենանշանակալին եղավ նրա բանահավաքչական գործունեությունը: Հատկապես որ նա այդ ամենը սկսեց ցեղասպանությունից անմիջապես հետո, երբ փրկվածները ձևավորել էին նոր գաղթօջախներ կամ վերահաստատվել հներում՝ իրենց հետ «էրզրից» տանելով իրենց միակ «ժառանգությունը»՝ բանավոր ավանդը: Ճակատագրի իսկական նվեր էր հայ ժողովրդի արժանավոր զավակի, Կոմիտասի ամենատաղանդավոր սաներից մեկի ճիշտ ժամանակին ճիշտ տեղում հայտնվելը: Առավել ևս այն առումով, որ Հայաստանում բնակվող ֆոլկլորագետներին հասու չէր այն նյութը, որը Թումաճանը շրջեց ու գրառեց սփյուռքի հայաշատ համայնքներում՝ Ֆրանսիայում, Բուլղարիայում, ԱՄՆ-ում [1], իսկ 1966 թվականին ՀՀ ԳԱԱ Արվեստի Ինստիտուտի հրավերով հայրենիք տեղափոխվելուց հետո ամբարված նյութը խնամքով ուսումնասիրեց և պատրաստեց հրատարակման...

Արդյունքում ուսումնասիրողներին և կատարողների սեղանին դրվեց «Հայրենի երգ ու բան» ժողովածուների չորսհատորյակը[2], որն իսկական գանձ է հայ արդի ֆոլկլորագիտության մեջ թե՛ իր ծավալով, թե՛ ժանրային ընդգրկմամբ և թե՛ երաժշտական-բանահյուսական նյութի որակի առումով[3]:

Մեզ հետաքրքրող օրորի ժանրը հավաքածուում ներկայանում է ազգագրական գոտիների ոչ այնքան համաչափ, (երբեմն ժանրի «նեղ անձնական» բնույթով պայմանավորված՝ որոշ ազգագրական գոտիների դեպքում ուղղակի ժանրը ներկայացված չէ) սակայն արժեքավոր, ժանրակշիռ նյութով: «Հայրենի երգ ու բան» հավաքածուում ընդհանուր հրատարակված է 12 օրորերգ, որոնք ներկայացնում են Բութանիան, Կեսարիան, Ակնը, Տիգրանակերտն ու Խլաթը: Նկատենք՝ արևմուտքից արևելք աշխարհագրությամբ...

Առաջին հատորը, որ Բութանիայի ու նաև Իզմիրի երաժշտական և ազգագրական նյութն է պարունակում, հեղինակի հիմնավոր պատճառաբանությամբ բաժանված է 2 մասի՝ *ավանդական* և *տեղական-կենցաղային*: Երգերի խմբավորման այսպիսի սկզբունքը Թումաճանը պայմանավորում է Բութանիայի հայկական գաղութի մի կողմից ավանդապահ՝ ակնհայտորեն հնագույն շերտերից եկող ու հայեցի մտածողության վառ կնիք ունեցող նմուշների, և մյուս կողմից՝ օտարի լծի տակ ապրելու հետևանքով՝ քաղաքային արևելյան մշակույթին տեղի տալով կամ որևէ կենցաղային դիպված նկարագրելու և այն այլազգի լայն զանգվածներին լսելի դարձնելու նպատակով թրքաոճ ու քրդաոճ երգվածքների առկայությամբ:

Ավանդական ասելով՝ հեղինակը նկատի ունի առաջին հերթին մեզ հետաքրքրող օրորները, ինչպես նաև պանդխտության, ծիսական երգերը՝ մասնավորաբար հարսի լաց, մահվան ողբ ու գովքերը, պարերգերը: Վերջիններս այդ բաժնի վերջնամասում

* Հոդվածն ընդունվել է 08.02.20:

Հոդվածը տպագրության է երաշխավորել արվեստագիտության դոկտոր, պրոֆեսոր Ա.

Ասատրյանը: 14.02.20:

են և ըստ բանահավաքի՝ լինելով ավանդական, նաև «պարունակում են տեղական կենցաղի որոշ տարրեր»:[4]

Թումաճանի հավաքածուի առաջին մասում մեզ հետաքրքրող ժանրը ցուցադրված է ոչ այնքան մեծաքանակ, սակայն գեղարվեստական մեծագույն արժեք ներկայացնող 3 նմուշով (N1, 2 և 3):

Կարևորելով այս ժանրի դերը և դրա ուսումնասիրման հրատապությունը՝ հեղինակը ծանոթագրության մեջ հանգամանալի վերլուծում է այս 3 նմուշի հատկապես բանաստեղծական տեքստերը, բերում մեկ այլ՝ 4-րդ օրորի տեքստային նմուշ, ինչպես նաև «Ազգագրական հանդես»-ում Հր. Աճառյանի հրատարակած օրորի տեքստի ևս մի տարբերակ և հստակ հիմնավորմամբ դրանց մտածողությունը համեմատում է Ակնա երգերի հետ:

Հայտնի փաստ է, մենք ևս ունենք անդրադարձ [5], որ օրորերգերը սկզբունքորեն բաժանվում են 2 խմբի. ա) հանպատրաստից՝ գործառնությունով պայմանավորված ու տեղնուտեղը հորինված երգեր, որոնց Կոմիտասը *բնության երգեր* անվան տակ դաս դասում է աշխատանքային երգերի հետ և բ) հնագույն շերտեր պարունակող, ավանդաբար փոխանցվող երգեր [6], որոնց բանագետ Հ. Պիկիչյանը իրավամբ անվանում է ժանրի *կայուն* դրսևորումներ:[7]

Ահա այս վերջին խմբի վառ նմուշներ են Բուքանիան ներկայացնող 3 օրորները: Առաջին երկուսը նույն երգանմուշի տարբերակներ են, որ Թումաճանը գրառել է տարբեր բանասացներից[8]: Երկուսն էլ ծավալվում են էոլական ծայնակարգում, ունեն մեղեդու ծավալման ու զարգացման միևնույն սկզբունքը, նույնն են նաև երգերի բանաստեղծական տեքստերը: Չնայած մեղեդու ծավալման հիմնական կառույցի նմանությանը՝ N2-ը նույն երգի ավելի համեստ տարբերակ է. N1-ը աչքի է ընկնում առատ մելիզմներով, եղանակավորմամբ, ինչպես նաև ավելի ընդգրկուն ծայնածավալով (N1 երգը հիպո հատվածում դիխորդ+պենտախորդ ամբիտոնով, իսկ N2-ը՝ դիխորդ+տետրախորդ):

Հատորում ներկայացված վերջին՝«Սալնջախ եմ ձգեր» շքեղագույն օրորը «Օրիմ, օրիմ»-ի 2-րդ տարբերակը կատարող բանասաց Պարտիզակուն ծնված Մարիամ Մինայանը լսել էր մի տարեց կնոջից՝ Չենկիլերում, ուր ինքը հարս էր գնացել:

ՍԱԼՆՋԱՆԻ ԵՄ ԶԳԵՐ

♩ = 32 ՄԱՐԻԱՄ ՄԻՆԱՍՅԱՆ

3 *♩* Սա - լճ - ջախ եմ ձը - գեր սա - լո - լին ծա - ուր

կու - լար ու ժուռ կու - գար գա - ռա - նըս մա - բը

Է՛յ, յավ-րում Է՛յ, օր - անդ օս - կով պի - տեր

կա - մարդ ար - ծա - բով օ - ռոս-կա - պնդ պի - տեր

սըր - մա թե - լե - բով Է՛յ, յավ - րում, Է՛յ...

Սալնջախ եմ ձգեր սալորին ծառը,
 Կու լար ու ժուռ կու գար գառանըս մարը,
 Է՛յ, յավրում, Է՛յ...
 Օրանդ օսկով պիտեր, կամարդ՝ արծաթով,
 5 Օրոսկապրդ պիտեր սըրմա թեկերով,
 Է՛յ, յավրում, Է՛յ...

Օրոր, օրոր, օրոր, օրոր՝ փարայով,
 Սըրտիկըս լեցեր է խոցով, յարայով.

2 Գառանըս—գառնուկիս:

5 Պիտեր—պետք էր, նման է՝ իմաստով:

7 Փարայով—գրամ, փող: Օրորոցից կախված հույունքների ու մանր գրամների ճշեկը-ճընկըլ անելը, իբրև ուրախություն բերող:

Սա օրորի ժանրի վերը նշված կայուն երգային նմուշի կատարյալ դրսևորումնե-րից է: Երգը, ինչպես և նախորդ նմուշները, ունի հստակ կառուցվածք՝ լայնաշունչ մե-ղեդիով և եղանակավորված բանաստեղծական տող և ֆրագմ ավարտող՝ ասերգային բնույթի կրկնակ. «Է՛յ, յավրում, Է՛յ...»: Երգը ծավալվում է կվինտային հենակետով էոլա-կան պենտախորդի սահմաններում, որին ֆորշլագի տեսքով հարմոնիկ երանգ է հա-ղորդում բարձր 6-րդ աստիճանի ամբայությունը: Ողջ երգում կես տոն իջեցված 5-րդ աստիճանը յուրօրինակ երանգ է հաղորդում օրորին՝ ստեղծելով վառ հուզական դաշտ: Հետաքրքրական է, որ Չենկիլեր տեղավայրից մեզ հասած օրորն անմիջական ոճական կապ է դրսևորում Ակնա օրորների հետ հատկապես այդ իջեցված հինգերորդ աստիճանի շնորհիվ:

Երկրորդ հատորը, որ ցավոք հրատարակվեց բանահավաքի մահվանից հետո, կարելի է ասել, հավաքածուների մեջ ամենալայն «աշխարհագրությունն» ունի: Տեղա-վայրերի նման լայն ընդգրկմամբ հանդերձ օրորի ժանրը հատորում ներկայացված է միայն 2 ազգագրական գոտում՝ Կեսարիա (1 նմուշ) և Ակն (8 նմուշ):

Եղենից մագապուրծ եղած և Բոստոնում հաստատված բնիկ կեսարացի[9] Ֆի-լոր Ղազարիկյանը 1936 թվականին Թումաճանը գրի առավ 4 նմուշ, որոնցից մեկը «Էյուր կենիմ» ավանդական օրորն է:

Հետաքրքրական է, որ իր մյուս երգվածքներում տիկին Ֆիլորը, որ ըստ Թումա-ճանի իր օժտված բանասացներից էր, բավականին «առատածեռն» է բանաստեղծա-

կան վանկերը եղանակավորելու, մեխիզմների առումով: Նույնը չենք կարող ասել այս չափազանց պարզ, ասկետիկ բնույթով, մեխիզմներից գրեթե զուրկ երգվածքում, որտեղ բանասացը երեխային գովելիս ու քաղցր խոսքերով քնեցնելիս մեղեդու «ասերգային» բնույթով առաջին պլան է մղում բանաստեղծական տեքստը: Ինչպես Թումաճանն է ծանոթագրությունում նշում. «անսերենք է երգել, ... այս «պատառիկը» ամբողջովին կապույտ երկինքն է կարծես, ուր մայրական սիրազեղ շունչը ցլանում է մանկան վարդաբույր այտերի վրա»:[10]

Երգը ծավալվում է էպիկական տետրախորդի սահմաններում, AAV[11] կառուցվածքով՝ 2 համարժեք երաժշտական նախադասության սահմաններում: Սա երաժշտական ու բանաստեղծական կուռ կառույցի և հայեցի մտածողության վառ մնուշ է, որտեղ բանաստեղծական տողը բաղկացած է երեք ոտքից՝ 4+4+2 վանկային կազմով, այսինքն տողին համապատասխանող երաժշտական նախադասությունը նույնպես բաժանվում է երեք ոտքի՝ երկու չորրորդ պեոնի և յամբի: Հատկանշական է, որ այդ ոտքերն առավել բնորոշ են հայեցի երաժշտական մտածողությանը, քանի որ ֆրագմենտի իմաստալին շեշտը և բառի շեշտը համընկնում են այդ ոտքերի երկար տևողության հետ[12].

«Էյուր կենեմ՝ քնացունեմ, Նեննի՛

Անուշ քունով արթնցունեմ, Նեննի՛...»:

Տիկին Ֆիլորը երգը երգել է հայերեն և թուրքերեն տեքստով, ինչը բնորոշ էր Օսմանյան կայսրության հատկապես խոշոր քաղաքներում, ուր հաճախ հայերենն արգելված լեզու էր:

Երկրորդ հատորի և առհասարակ ողջ հավաքածուի ամենաառատ ու բարձրարժեք երաժշտական նյութով ներկայանում է Ակնի շրջանը: Այն դեռևս հնագույն ժամանակներից աչքի է ընկել երաժշտաբանաստեղծական փայլուն դրսևորումներով:[13]

Ինչպես վերը նշվեց, Ակնը Թումաճանի հավաքածուում ներկայանում է նմուշների բավականին պատկառելի քանակությամբ, ընդ որում նկատենք, որ «ավանդական» կոչվող բաժինը երգերի քանակով երեք անգամ գերազանցում է «տեղական-կենցաղային երգեր» բաժինը:[14]

Օրորները թվով վեցն են, որոնցից 3-ը իր ուսուցչի՝ Կոմիտասի գրառած «Ակնա շալ»-ից «Աղվոր ես, չունիս խալատ» երգի տարբերակներ են: Թումաճանը դրանք գրառել է 1923 թվականին 45-50 տարեկան Մեծատուրյան Ջմրուխտից, Ֆիլիպեում (ԱՄՆ), իսկ մյուս 2-ը, որ չնչին տարբերություն ունեն և ներկայացված են իբրև նույն երգի Ա և Բ տարբերակներ՝ 1935 թվականին Նյու Յորքում, 60-65 տարեկան Ղազարյան Վերգինից, ով 19 տարբեր ժանրի նմուշներ է հաղորդել բանահավաքին: Ակնա շրջանի երաժշտական մտածողությունը այնքան է հետաքրքրել Կոմիտասին իր ինքնատիպությամբ, որ նա իր «Հայ գեղջուկ երաժշտություն» աշխատության մեջ Ակնի երգերը խմբավորում է՝ իբրև առանձին երաժշտական բարբառի նմուշներ: Ակնա երգերի մեղեդիների գրառման գործում մեծ է Հովսեփ Զանիկյանի և Կոմիտասի համագործակցության դերը[15]: Ռ. Աթայանը գրում է. «Ակնա բանահյուսությունը բավականաչափ հավաքված և հրատարակված է, և այս բնագավառում առանձնապես մեծ է Հովսեփ Զանիկյանի վաստակը, որը մասնախաձեռնողը եղավ Ակնա ժողովրդական երաժշտության նմուշները հավաքելուն ու գրանցելուն, ինչը նրա հանձնարարությամբ հաջողությամբ իրականացրեցին Կոմիտասը, մասամբ և Գ. Մեհտերյանը»[16]: Ինչպես վերը նշվեց բանագետները այս գավառի հետ են կապում միջնադարյան անտունիների, հայրենների ավանդույթը, ինչպես նաև գուսանական, տաղային արվեստի ծաղկումը:

Փաստ է, որ տարբեր վայրերում, 12 տարի տարբերությամբ տարբեր ինֆորմանտներից գրառած երգերը ինչպես նաև Կոմիտասի գրառած տարբերակներն ակնհայտ ունեն նույն մեղեդիական կաղապարը, ծայնակարգը, չափածո տեքստը...

Թերևս Ակնի օրորների թումաճանական և կոմիտասյան գրառումները մի առանձին ուսումնասիրության նյութ են, որոնց կարող են ոճով ու մտածողությամբ հարել,

ինչպես վերը նշեցինք, նաև Բուքանիայի օրորները, սակայն թեմայի շրջանակում մյուս նմուշների սկզբունքով անդրադառնանք նյութին:

Առաջին երեք երգերը (N110, 111Ա, 111Բ) ծավալվում են իջեցված 5-րդ աստիճանով էոլական պենտախորդի սահմանում *a* հիմնաձայնով, որոնցից առաջինը ունի տերցիային (c) օժանդակ հենակետ: Երեքում էլ հիմնաձայնը հայտնվում է միայն վերջում «օր, օր, օր» կամ «էյ, էյ, էյ» կրկնակ բառերի վրա՝ թռիչքային օկտավա կամ սեպտիմա «նետումով» [17]:

Տիկին Ջմրուխտի երգած առաջին տարբերակը, չնայած կրկնակի կարճ է տիկին Վերգինի երգածներից (I՝ երկտող+կրկնակ բառեր, II և III՝ քառատող+կրկնակ բառեր), այնուամենայնիվ ավելի «հարուստ» է և շատ ավելի «հարազատ» կոմիտասյան տարբերակներին (հատկապես տպավորիչ են 4-րդ աստիճանի շրջագարդումով ֆրագների մուտքերը):

Վերգին Ղազարյանի երգած մեկ այլ՝ «Օրոր, օրոր» երգը (N112), չնայած նոտագրության մեջ ավարտվում է *h*-ով, սակայն ակնհայտ է, որ երգի հիմնաձայնը *a*-ն է: Չայնակարգը բավականին հետաքրքիր երանգավորմամբ դրսևորված էոլական մինորն է՝ 4-րդ աստիճանի շրջագարդումների արդյունքում այդ ոլորտի ընդգծում, ինչպես նաև 5-րդ աստիճանի «տատանումով» և 6-րդ աստիճանի բարձրացումով 4-րդ աստիճանից վեր տրիխորդում հարմոնիկ գոյացում և երանգ:

Հաջորդ՝ «Բյուլբյուլը բաղչան իջավ» օրորը (N113) բանագետը գրի է առել 1936 թվականին Նյու Յորքում ծնունդով Բինկյանից Վարդանուշ Եղիկյանից[18]: Հետաքրքրական է, որ մտածողությամբ ու մեղեդու շարադրանքով նմուշը ազգագրական գոտուն բնորոշ է, սակայն ծայնակարգն այլ է՝ *h* հիմնաձայնով փոյուզիական պենտախորդ՝ 3-րդ աստիճանի վրա հարմոնիկ տրիխորդով՝ *es-fis*:

Ակնի հարուստ օրորների շարքն ավարտում է Օվսաննա Օրմանյանից (ծնված Արմտանում) 1923թվականին Ֆիլիպետն գրառված «Օրոր, օրոր»-ը: Երգն աչքի է ընկնում հստակ կառուցվածքով՝ *Aav* և ծավալվում է առանց որևէ «շեղման», բնական, կվարտային օժանդակ հենակետով էոլական պենտախորդի սահմաններում:

3-րդ հատորում ընդգրկված օրորերգի միակ երաժշտական նմուշը՝ «Նեննի ըսիմ», ներկայացնում է Տիգրանակերտը[19]:

Պատահական չէ, որ ակնհայտ հայեցի մտածողությամբ հորինված օրորը տողատակում հայերեն տեքստից բացի ունի նաև թուրքերեն տարբերակ, որոնց բովանդակությունը համարժեք են:

Սա օրինաչափ է հատկապես Տիգրանակերտի շրջանի պարագայում, քանի որ խոշոր քաղաքներին հատուկ բարբերով, նիստուկացով պայմանավորված և հարևանությամբ հայկական գյուղեր չլինելու պատճառով այստեղի կենցաղում ևս թուրքերենը գերակայում էր:

Թումաճանը օրորը գրառել է 1930-35թթ ընթացքում Նյու Յորքում բնակվող, մեծաքանակ երգերի կրող (19 նմուշ) Կիրակոս Ջարգավաթյանից:

Երգը ծավալվում է դորիական հեպտախորդի սահմաններում: Կառուցվածքը շատ հստակ է, բաղկացած է երկու երաժշտական նախադասությունից, ընդ որում երկրորդը առաջինի տարբերակն է: Երգն ունի ասերգային բնույթ՝ մեծավ մասամբ վանկերի զուսպ եղանակավորմամբ, բայց հուզական ներգործության հսկայական ներուժ:

ՏԻՖԱՆԱԿԵՐՏԻ ՇՐՋԱՆ

ՕՐՈՐԵՐԳ ԿՈԼԵԲԵԼՆԱՅԱ

18. ՆՆՆՆԻ ԸՍՈՒՄ ՔՆՏՆԻՄ՝

ՈՅՈՅՈՅ

4. ՋԱՐՋԱԿԱՔՉՆԵՆ



1 ՆՆՆՆԻ ԸՍԻՄ ՔՆՏՆԻՄ,
Օղուլ, օրոր, օրոր, օրոր,
Անուշ քունեն թըղընիմ,
Օրթի, օրոր, օրոր, օրոր:

5 Դնիմ զավակս օրանն,
Օղուլ, օրոր, օրոր, օրոր,
Պագնիմ անուշ բերանն...
Օրթի, օրոր, օրոր, օրոր:

ԹՈՒՐԲԵՆԵ

ՆՆՆՆԻ տելւմ հաթրրարւմ,
Օղուլ, նննի, նննի, նննի.
Ուլխուլարա պաթրրարւմ,
Օրթի, նննի, նննի, նննի:

25

Խլաթի շրջանը[20] Միհրան Թումաճանի 4-րդ հատորում ներկայանում է 2 բանասացների՝ Լևոն Սեֆերյանի և Անուշ Գրիգորյանի հիշողության ծալքերում խնամքով պահպանված նյութով: Ցավոք, բանասացներից առաջինի մասին որևէ տեղեկություն չկա, իսկ հատորի միակ օրոր երգած Անուշ Գրիգորյանը՝ ծնված 1903թ. փետրվարի 15-ին Խլաթ գավառում, երգերը սովորել էր հորից, ով ունեցել է գեղեցիկ ծայն, ինչպես նաև Բայազետի որբանոցում, ուր նա ապրել է 6 տարի ցեղասպանությունից փրկվելուց հետո՝ ԱՄՆ տեղափոխվելուց առաջ: Բանասացը մահացել է 2004թ. մայիսի 29-ին, Նյու Ջերսիում:

«Հայրուրուրի» սկզբնատողով սկսվող օրորերգը իրականում Հայաստանի տարբեր ազգագրական շրջաններում (Մուշ, Բուլանըխ, Ալաշկերտ, Խլաթ, Վան) հանդիպող «Իմա՞լ էնեմ» քնարական սիրերգն է, որ տարբեր խոսքային և եղանակային տարբերակներով «հանդիպում» է տարբեր ժանրերում[21]:

Հետաքրքրական է, որ նույն սկզբնատողով և վերը նշված թեմատիկայով երկու նմուշ (N13, 161), որ կատարել են այլ բանասացներ, շարադրված են «Հայրուրուրի»(N7) երգի ձայնակարգում, ընդ որում երեքի դեպքում էլ միևնույն յուրօրինակ դրսևորմամբ՝ էլիական պենտախորդ, որի օժանդակ հենակետը պարբերաբար փոփոխվում է՝ կվարտային, տերցիային, կվարտային, տերցիային:

Երգի՝ օրորի ժանրին դասվելու փաստը հիմնավորված է ոչ միայն «Հայրուրու՛րի, հայրուրու՛րի» սկզբնատողով, այլ նաև բանաստեղծական տեքստում օրորերգերին հատուկ «թափառող սյուժեի» առկայությամբ.

«...Դարի գըլլուխ ճըղոր զանիմ,

Հարաֆ քամին տանի, բերա.

Վերու էժ գա, քեզի ծիծ տա,

Մեկիկ Ասպած քեզի պախա...»:[22]

Այս սյուժեն բարբառային տարբեր դրսևորումներով ամենից հաճախ ենք հանդիպում օրորներում: Հիմքում հայտնի ժողովրդական ավանդությունն է,[23] ըստ որի գաղթի ճամփան բռնած դեռատի աղջիկը ծննդաբերելուց հետո անտառում իր գոգնոցից օրորան է պատրաստում և մի վերջին անգամ օրոր ասելուց հետո, երեխային թողնելով Աստծո ու բնության բարեգթությանը, հեռանում է...[24]

Ահա այսպիսի պատկեր ունեն հայ ավանդական օրորները Միհրան Թումաճանի բարձրարժեք այս հավաքածուում, որոնց ուսումնասիրությունը թույլ է տալիս պատկերացում կազմել սերունդների միջև կարևորագույն «երկխոսություն» ապահովող այս ժանրի մասին: Ամբողջացնելով վերը ասվածը՝ կարելի է հստակեցնել, որ սրանք հնագույն, ավանդական մտածողության վառ կնիքով նմուշներ են, որոնցում կուռ է մեղեդու և բանաստեղծական կառույցի միասնականությունը, հստակ ժանրում նախընտրելի ձայնակարգերը՝ էոլական մինորներ՝ տարբեր երանգային դրսևորումներով:[25]

Հոդվածն իրենից ներկայացնում է Միհրան Թումաճանի «Հայրենի երգ ու բան» հավաքածուի 4 հատորում ընդգրկված 12 օրորերգի ուսումնասիրություն:

Գրառված նմուշները բացառիկ արժեք են ներկայացնում, քանի որ երաժշտագետ-բանահավաքը շրջել է սփյուռքի հայկական գաղութներում ցեղասպանությունից շատ չանցած, երբ մագապուրծ եղածները հիշողության մեջ դեռ վառ էին կրում նախնիներից ավանդված բանահյուսությունը: Մյուս կողմից նյութը բացառիկ է ազգագրական գոտիների ընդգրկմամբ. Արևմտյան Հայաստանի մի շարք գավառներ մեզ են ներկայանում տարբեր երգատեսակներով, ընդ որում նկատենք՝ արևմուտքից արևելք աշխարհագրությամբ:

Օրորերգերն ընդունված է բաժանել երկու խմբի. ա) հանպատրաստից՝ գործառույթով պայմանավորված ու տեղնուտեղը հորինված երգեր, որոնց Կոմիտասը *բնության երգեր* անվան տակ դաստասում է աշխատանքային երգերի հետ և բ) հնագույն շերտեր պարունակող, սերնդեսերունդ փոխանցվող, *ավանդական* օրորներ:

Վերջինս բնորոշ է Թումաճանի գրառած բոլոր օրորներին. սրանք վառ արտահայտված ավանդական օրորերգեր են, որոնց բնորոշ է ավանդական մտածողություն՝ բանաձևային «թափառող» սյուժեներ, մեղեդու և բանաստեղծական կառույցի միասնականություն, կառուցվածքային հստակություն, հստակ են նաև ժանրում նախընտրելի ձայնակարգերը՝ 12 երգից 10 էոլական՝ տարբեր երանգային դրսևորումներով, 1՝ դորիական, 1 փոյուզիական մինորներ:

ԾԱՆՈԹԱԳՐՈՒԹՅՈՒՆՆԵՐ

1. Այս մասին տե՛ս մանրամասն **Թագակյան Զ.**, Միհրան Թումաճանի բանահավաքչական գործունեությունը, «Հասկաքաղ. Միհրան Թումաճան», պատկերագիրք և գիտական հոդվածներ, Երևան, 2018, էջ 150-153:
2. **Թումաճան Մ.**, ՀԱՅՐԵՆԻ ԵՐԳ ՌԻ ԲԱՆ, այսուհետ ՀԵԲ, I, խմբ. Ռ. Աթայան, Երևան, Հայկական ՍՍՀ ԳԱ հրատ., 1972:
ՀԵԲ II, խմբ. Ռ. Աթայան, Ա. Նազինյան, Հայկական ՍՍՀ ԳԱ հրատ., 1983:
ՀԵԲ III, կազմ.՝ Զ. Թագակյան, խմբ.՝ Ռ. Աթայան, Հայկական ՍՍՀ ԳԱ հրատ., 1986:

- ՀԵԲ IV, կազմ. և երաժշտ. խմբ.՝ Զ. Թագակչյան, խմբ.՝ Հ. Պիկիչյան, Երևան «-Ջանգակ-97» հրատ, 2005:
3. Նույն սկզբունքը կիրառվել է նաև հաջորդ ՀԵԲ II, III և IV հատորներում:
 4. Թումաճան Մ., Հայրենի երգ ու բան, I հատոր, 19, էջ 34:
 5. **Hakobyan A.**, „THE FORMATION AND SUBTYPES OF ARMENIAN TRADITIONAL LULLABY GENRE“, <<Կոմիտաս և Թումանյան 150>> միջազգային գիտաժողով 20-22 սեպտեմբեր, 2019, Մոսկվա: Տե՛ս «Վայոց Ձորի օրորների երաժշտական բարբառի հետազոտության փորձ՝ 33 և մեկ օրորերգի օրինակով», Երիտասարդ հայ արվեստաբանների գիտական XII նստաշրջանի նյութեր, Երևան, ՀՀ ԳԱԱ «Գիտություն», 2018, էջ 116-123:
 6. **Կոմիտաս**, Հոգվածներ և ուսումնասիրություններ, Կազմ. Ռ. Թեռլեմեզյան, Ե., Հայպետհրատ, 1941, էջ 11-13:
 7. **Պիկիչյան Հ.**, Երաժշտությունը հայոց ավանդական առտնին և տոնածիսական կյանքում, Ե. ՀՀ ԳԱԱ, «Ամրոց Գրուպ», 2012, էջ 20:
 8. **Թումաճան Մ.**, ՀԵԲ I, N1՝ «Օրիմ, օրիմ», Պարտիզակ, Ազնիվ Պոստայան
 9. **Թումաճան Մ.**, ՀԵԲ I, N2՝ «Օրիմ, օրիմ», Պարտիզակ, Մարիամ Մինասյան
 10. «Կեսարիայում հայերը բնակություն են հաստատել՝ հնագույն ժամանակներից սկսած: Ըստ Մովսես Խորենացու՝ ներկայիս Կեսարիայի տարածքում հայոց Արամ թագավորը վերադաս է նշանակել Մշակ անունով աստիճանավորի, ով էլ հիմնադրել է քաղաքը, պարսպապատել այն: Այս վարկածի համաձայն՝ քաղաքը ստացել է իր առաջին անունը՝ Մաժաք, Մազաք: Մ. թ.առաջին դարում տարածքը քաղաքով հանդերձ մտնում է Հռոմեական կայսրության կազմ, իսկ քաղաքին Կեսարիա անունը տրվում է՝ ի պատիվ կայսր Հուլիոս Կեսարի: 4-րդ դարից տարածքը մտնում է Բյուզանդական կայսրության մեջ, որից հետո 11-րդ դարից սկսած այն գրավում են նախ սելջուկները, ապա՝ մոնղոլները, իսկ 15-րդ դարից՝ Օսմանյան Թուրքիան: 20-րդ դարասկզբին քաղաքի 60-70 հազարանոց բնակչության 30-35%-ը հայեր էին՝ իրենց հատուկ աշխատասիրությամբ, ստեղծարար տեսակով, ինչքով ու մշակութային ակտիվությամբ: Իսկ հայտնի ոճի իրից հետո այստեղ արդեն ապրում էր ընդամենը 2000 հայ, այն էլ՝ դավանափոխ»/kesaria.am//, 20.11.2017, 21:00:
 11. **Թումաճան Մ.**, Հայրենի երգ ու բան, ՀԵԲ II, էջ 231:
 12. Նկատի ունենք երաժշտական ձև, որի հիմքում երկու թեմատիկորեն կրկնվող նախադասություն է՝ A և A տարբերակ (վարիանտ՝ v):
 13. **Փահլևանյան Ա.**, Հայ երաժշտական ֆոլկլորի ռիթմիկայի առանձնահատկությունները, Երևան, 2014, էջ 8:
 14. **Հակոբյան Թ.**, Պատմական Հայաստանի քաղաքները, Երևան, 1987, «Հայաստան», էջ 30-35:
Ըստ ավանդության՝ տարածքը 11-րդ դարում բնակեցրել են Սեբաստիա տեղափոխված Արծրունիները, իսկ 13-րդ դարում Անիի անկումից հետո այստեղ է հաստատվել նաև քաղաքից հեռացած բնակչության մի մասը: Պատահական չէ, որ մի շարք մեծանուն գրողներ, հրապարակախոսներ ծագումով Ակնեցի են՝ Գրիգոր Զոհրապ, Միսաք Մեծարենց, Սիամանթո, Արշակ Զոպանյան, Արփիար Արփիարյան, Մինաս Զերազ և այլք:
 15. Հարսանեկան երգեր՝ 23 նմուշ, օրորներ և ճորպարեր՝ 8, բարեկենդանի՝ 5, հայրենի՝ 1, պանդխտության՝ 6, պարերգ՝ 26, իսկ կենցաղային՝ 14:
 16. Հ. Ճանիկյան, «Հնությունք Ակնա», 1895թ., որին իբրև հավելված կցված է Կոմիտասի «Ակնա շար»-ը:
 17. Կոմիտաս ԵԺ, հ.9, էջ 163:

17. Մեր կարծիքով «նետված» հնչյունի հստակ բարձրությունն այնքան էլ էական չէ, և արդի ֆոլկլորագիտության մեջ ընդունված չափորոշիչներով այդ հնչյունը կֆիքսվեր ընդունված նշանով (↓), ինչը կնշանակեր օկտավ ամբիտուսով գլիսսանդոյանման վերընթաց թռիչք:
18. Բանասացի կատարմամբ հատորում հրատարակված են տարբեր ժանրի 21 նմուշներ:
19. Տիգրանակերտը դեռևս հնագույն ժամանակներից աչքի է ընկել բուռն մշակութային կյանքով: Պատահական չէ, որ հայ թատրոնի մասին առաջին հիշատակությունները կապված են հենց այս քաղաքի հետ՝ ըստ Պլուտարքոսի մ. թ. ա. 69 թվականին Տիգրան Մեծն այստեղ կառուցել է Սիրիայի հելլենիստական թատրոնների ոճով շինություն, որտեղ հիմնականում ներկայանում էին հույն թատերախմբեր ու ժամանակի անվանի դերասաններ (Հ. Հակոբյան, Հին Հայաստանի մայրաքաղաք Տիգրանակերտը, Պատմաբանասիրական հանդես, 2007, N3, էջ 3-29):
20. «Վանա լճի արևմտյան ափին գտնվող Խլաթ գավառը (35 գյուղ) և համանուն քաղաքը, որ համապատասխանում է Մեծ Հայքի Տուրուբերան նահանգի Բզնունիք գավառին, 16-րդ դարի կեսից, ընկնելով թուրքական տիրապետության տակ, որպես գավառ մտցվել է Վանի վիլայեթի մեջ: Խլաթ քաղաքը տարածաշրջանում մեծությամբ երկրորդն էր՝ զիջում էր միայն Վանին»: [/www.armeniansgenocide.am/](http://www.armeniansgenocide.am/), 10.12.2017, 22:00:
21. **Թումաճան Մ.**, ՀԵԲ IV թիվ 13, 161, ինչպես նաև Կոմիտաս, երկերի ժողովածու h. 12, թիվ 36:
22. **Թումաճան Մ.**, ՀԵԲ IV, էջ 25:
23. Այս ավանդությունն էլ ընկած է Ղ. Աղայանի հայտնի «Անտառի մանուկը» հեքիաթի հիմքում:
24. Տե՛ս նաև Բութանիայի շրջանի օրորները ևն...
25. 12 երգից 10-ը էոլական, 1՝ դորիական և 1՝ փոյուզիական մինորներ:

ԱՄՓՈՓԱԳԻՐ

Ավանդական օրորը Միհրան Թումաճանի գրառումներում Անի Հակոբյան

Հոդվածը Միհրան Թումաճանի «Հայրենի երգ ու բան» հավաքածուի 4 հատորում ընդգրկված 12 օրորերգի ուսումնասիրություն է: Գրառված նմուշները բացառիկ արժեք են ներկայացնում, քանի որ երաժշտագետ-բանահավաքը շրջել է սփյուռքի հայկական գաղութներում ցեղասպանությունից շատ չանցած, երբ մագապուրծ եղածները հիշողության մեջ դեռ վառ էին կրում նախնիներից ավանդված բանահյուսությունը: Մյուս կողմից նյութը բացառիկ է ազգագրական գոտիների ընդգրկմամբ. արևմտյահայատանի մի շարք գավառներ մեզ են ներկայանում տարբեր երգատեսակներով, ընդ որում նկատենք՝ արևմուտքից արևելք աշխարհագրությամբ: Օրորերգերն ընդունված է բաժանել երկու խմբի. ա) հանպատրաստից՝ գործառույթով պայմանավորված ու տեղնուտեղը հորինված երգեր, որոնց Կոմիտասը բնության երգեր անվան տակ դասդասում է աշխատանքային երգերի հետ և բ) հնագույն շերտեր պարունակող, սերնդեսերունդ փոխանցվող ավանդական օրորներ: Վերջինս բնորոշ է Թումաճանի գրառած բոլոր օրորներին. սրանք վառ արտահայտված ավանդական օրորերգեր են, որոնց

բնորոշ է ավանդական մտածողություն բանաձևային «թափառող» սյուժեներ, մեղեդու և բանաստեղծական կառույցի միասնականություն, կառուցվածքային հստակություն, հստակ են նաև ժանրում նախընտրելի ծայնակարգերը՝ 12 երգից 10 էռլական՝ տարբեր երանգային դրսևորումներով, 1՝ դորիական, 1՝ փոյուզիական միներներ:

РЕЗЮМЕ

Колыбельные песни в записях Миграна Тумаджана

Акопян Ани

Ключевые слова: Мигран Тумаджан, колыбельная, традиционный, этнографическая зона, модус, структура.

Статья представляет собой исследование 12 колыбельных песен из четырех томов сборника Миграна Тумаджана «Песнь Родины».

Записанные образцы представляют исключительную ценность, так как музыковед-исследователь собирал данный фольклорный материал за пределами своей исторической родины, а информанты этих песен — это спасшиеся от геноцида западные армяне, нашедшие приют в Европе, Америке, которые еще помнили о фольклоре своих предков. Материал уникален с точки зрения этнографических регионов с географией с запада на восток, где ряд провинций и каждая из исторических областей Западной Армении имеет свой диалект и свои мелодические, ладовые, интонационные особенности.

Колыбельные, как правило, делятся на две группы. а) импровизационного склада, которые создаются «мгновенно» - т.е. прямо в процессе убаюкивания ребенка, и б) *традиционные* колыбельные — издревне бытующие в среде армян и имеющие родство с эпическими и обрядовыми песнями, корни которых - в древнейших слоях армянского песнетворчества. В записях Тумаджана превалирует вторая группа колыбельных - с единством мелодического мышления и поэтического текста. В процессе музыкального анализа нами выявлен ряд характерных особенностей, которые присущи данным колыбельным: доминирование эолийского лада, типологические обороты музыкального мышления, взаимосвязь мелодии и текста и т.д.

SUMMARY

The Lullabies of M. Toumajan's Collection

Hakobyan Ani

Keywords: Mihran Toumajan, lullaby, traditional, ethnographic zones, modal scale.

The article is a study of 12 lullabies from four volumes of Mihran Toumajan's "The Song of the Homeland" collection.

The recorded samples are of exceptional value, as the musicologist-analyst has toured the Armenian colonies of the Diaspora shortly after the genocide, when the survivors were still remembered of the folklore of their ancestors. On the other hand, the material is unique with the inclusion of ethnographic zones, and a number of provinces of western Armenia come in different styles, with west-to-east geography.

Lullabies are commonly divided into two groups. a) songs made by improvised, functionally-built, which Komitas classifies with work songs under the genre of nature songs; and (b) conventional songs with ancient layers.

The latter is characteristic of all the Toumajan's writings, these are traditionally bright conventions, typical of traditional thinking: the ordinary "wandering" stories, the unity of the melody and the poetic structure, the clarity of structure also we can see the exact choices in the tonality's: 10 songs from 12 are in Eolian, with different manifestations, 1:Dorian, 1:Phrygian Minor.